



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿՐԹՈՒԹՅԱՆ, ԳԻՏՈՒԹՅԱՆ, ՄՇԱԿՈՒՅԹԻ
ԵՎ ՍՊՈՐՏԻ ՆԱԽԱՐԱՐ

ՀՐԱՄԱՆ

№ 308-Ա/2

«05» մարտի 2024 թ.

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԻՏԱԿԱՆ ՀԱՄԱՅՆՔԻՆ ԱՐՏԵՐԿՐԻ ԳԻՏՆԱԿԱՆՆԵՐԻ ԻՆՏԵԳՐՈՒՄ 2024/2» ՄՐՑՈՒՅԹԸ ԿԱԶՄԱԿԵՐՊԵԼՈՒ, ՀԱՅՏԱՐԱՐՈՒԹՅԱՆ ՏԵՔՍՏԸ ԵՎ ՀՐԱՎԵՐԻ ՓԱԹԵԹԸ ՀԱՍՏԱՏԵԼՈՒ ՄԱՍԻՆ

Առաջնորդվելով Հայաստանի Հանրապետության կառավարության 2001 թվականի նոյեմբերի 17-ի N 1122 որոշմամբ հաստատված «Գիտական և գիտատեխնիկական գործունեության պայմանագրային (թեմատիկ) ֆինանսավորման կարգի» 3-րդ կետով, ինչպես նաև հիմք ընդունելով Հայաստանի Հանրապետության վարչապետի 2019 թվականի հունիսի 1-ի N 661-Լ որոշմամբ հաստատված Հայաստանի Հանրապետության կրթության, գիտության, մշակույթի և սպորտի նախարարության կանոնադրության 19-րդ կետի 20-րդ ենթակետը՝

Հ Ր Ա Մ Ա Յ ՈՒ Մ Ե Մ

1. Գիտական և գիտատեխնիկական գործունեության պայմանագրային (թեմատիկ) ֆինանսավորման նպատակով կազմակերպել «Հայաստանի Հանրապետության գիտական համայնքին արտերկրի գիտնականների ինտեգրում 2024/2» մրցույթը:

2. Հաստատել մրցույթի հայտարարության տեքստը՝ համաձայն հավելված N 1-ի և հրավերի փաթեթը՝ համաձայն հավելված N 2-ի:

3. Սույն հրամանի կատարման հսկողությունը հանձնարարել ՀՀ կրթության, գիտության, մշակույթի և սպորտի նախարարության բարձրագույն կրթության և գիտության կոմիտեի նախագահ Սարգիս Հայրոսյանին:

ՆԱԽԱՐԱՐ՝ Ժ. ԱՆԴՐԵԱՍՅԱՆ

Հ Ա Յ Տ Ա Ր Ա Ր ՈՒ Թ Յ ՈՒ Ն

Հայաստանի Հանրապետության կրթության, գիտության, մշակույթի և սպորտի նախարարության բարձրագույն կրթության և գիտության կոմիտեն կազմակերպում է «Հայաստանի Հանրապետության գիտական համայնքին արտերկրի գիտնականների ինտեգրում 2024/2» **ՄՐՑՈՒՅԹԸ**:

Մրցույթին մասնակցելու հայտ ներկայացվում է irf-armenia-2024.hesc.am առցանց համակարգի միջոցով մինչև 2024 թվականի հունիսի 14-ը ներառյալ (հայտի ուղարկման հնարավորությունն արգելափակվում է Երևանի ժամանակով 18:00-ին):

Մրցույթի հրավերի փաթեթը գետեղված է Հայաստանի Հանրապետության կրթության, գիտության, մշակույթի և սպորտի նախարարության բարձրագույն կրթության և գիտության կոմիտեի ինտերնետային կայքում՝ www.hesc.am:

Մրցույթի վերաբերյալ լրացուցիչ տեղեկություններ և խորհրդատվություն կարելի է ստանալ Հայաստանի Հանրապետության կրթության, գիտության, մշակույթի և սպորտի նախարարության բարձրագույն կրթության և գիտության կոմիտեից (հեռախոս՝ +37410 210 140 (*108), էլեկտրոնային փոստ՝ scexpert@hesc.am):

Հայաստանի Հանրապետության կրթության, գիտության,
մշակույթի և սպորտի նախարարություն

ՀՐԱՎԵՐ

«ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԳԻՏԱԿԱՆ ՀԱՄԱՅՆՔԻՆ ԱՐՏԵՐԿՐԻ ԳԻՏՆԱԿԱՆՆԵՐԻ ԻՆՏԵԳՐՈՒՄ 2024/2» ՄՐՑՈՒՅԹԻ

I. ԸՆԴՀԱՆՈՒՐ ԴՐՈՒՅԹՆԵՐ

1. Մրցույթը

- 1.1. «Հայաստանի Հանրապետության գիտական համայնքին արտերկրի գիտնականների ինտեգրում 2024/2» մրցույթն (այսուհետ՝ **Մրցույթ**) անցկացվում է համաձայն Հայաստանի Հանրապետության կրթության, գիտության, մշակույթի և սպորտի նախարարի (այսուհետ՝ **Նախարար**) 2024 թվականի մարտի 5-ի N 308-Ա/2 հրամանի:
- 1.2. **Մրցույթը** կազմակերպում է Հայաստանի Հանրապետության կրթության, գիտության, մշակույթի և սպորտի նախարարության բարձրագույն կրթության և գիտության կոմիտեն (այսուհետ՝ **Կոմիտե**)՝ առաջնորդվելով Հայաստանի Հանրապետության կառավարության 2001 թվականի նոյեմբերի 17-ի N 1122 որոշմամբ հաստատված «Գիտական և գիտատեխնիկական գործունեության պայմանագրային (թեմատիկ) ֆինանսավորման կարգով»:
- 1.3. **Մրցույթն** ուղղված է արտերկրի գիտնականների ղեկավարությամբ Հայաստանի Հանրապետության պետական բյուջեի գիտական և գիտատեխնիկական գործունեության բազային ֆինանսավորմամբ ծրագիր իրականացնող կազմակերպությունում (այսուհետ՝ **Կազմակերպություն**) հեռանկարային, ժամանակակից գիտական ուղղություններով նոր ստորաբաժանումներ ստեղծելուն:
- 1.4. **Մրցույթն** իրականացվում է գիտական և գիտատեխնիկական գործունեության բոլոր բնագավառների մասնագիտություններով (Հավելված N 2.1):
- 1.5. **Մրցույթին** մասնակցության համար անհրաժեշտ է ներկայացնել հայտ (այսուհետ՝ **Հայտ**), որը ներառում է գիտական նախագիծ (այսուհետ՝ **Նախագիծ**) և պահանջվող այլ փաստաթղթեր/տվյալներ:
- 1.6. **Նախագիծը** (Հավելված N 2.2) պետք է լինի հավակնոտ, մրցունակ, հեռանկարային, խոստումնալից և իրագործելի:

- 1.7. **Մրցույթի** շրջանակներում ներկայացվող հրատարակումները պետք է ընդգրկված լինեն միջազգային գիտատեղեկատվական շտեմարաններում («Science Citation Index Expanded (SCIE)», «Social Sciences Citation Index (SSCI)», «Emerging Sources Citation Index (ESCI)», «Arts&Humanities Citation Index (AHCI)»), **կամ** Web of Science գիտատեղեկատվական հարթակի գրքի հղման ինդեքսի (Book Citation Index) հրատարակիչների ցանկում ներառված հրատարակչությունների կողմից հրատարակված գիտական աշխատությունում, որպես գրքի գլուխ կամ հոդված ժողովածուում, **կամ** «Scimago Journal & Country Ranking» պորտալի առնվազն Q4 քառորդ, իսկ գիտաժողովի նյութերի դեպքում՝ առնվազն Q2 քառորդին համարժեք SJR ինդեքս (SCImago Journal Rank Indicator) ունեցող պարբերականում (այսուհետ՝ **ՄԳՇ**), իսկ մենագրությունը, կոլեկտիվ մենագրությունը կամ գիտական աշխատությունը (այսուհետ՝ **Մենագրություն**) պետք է ունենա առնվազն 5 տպագրական մամուլ և հրատարակված լինի Web of Science գիտատեղեկատվական հարթակի գրքի հղման ինդեքսի (Book Citation Index) հրատարակիչների ցանկում ներառված հրատարակչությունում:
- 1.8. **Մրցույթի** հրավերի փաթեթը սահմանում է դրան դիմելու ընթացակարգը, չափանիշները, **Հայտերի** գնահատման փուլերը և շահառու **Հայտերի** ֆինանսավորումն ու հաշվետվողականությունը:

2. Նպատակը

2.1. **Մրցույթի** նպատակներն են.

- խթանել ներպետական և միջազգային համագործակցությունը,
- զարգացնել Կազմակերպության գիտական և գիտատեխնիկական ներուժը,
- ներգրավել Սփյուռքի և արտերկրի գիտական ներուժը,
- ներգրավել երիտասարդ հետազոտողների և ասպիրանտների,
- նպաստել երիտասարդ հետազոտողների ինտեգրմանը միջազգային հետազոտական միջավայրին,
- բարելավել գիտական միջավայրը,
- ստեղծել նոր, մրցունակ և հեռանկարային գիտական ստորաբաժանումները,
- նպաստել գիտական գործունեության արդյունքների սոցիալ-տնտեսական ազդեցության զարգացմանը,
- խթանել գիտության ոլորտում մրցակցային պայմանները:

3. Ժամկետները

- 3.1. **Նախագծերի** իրականացման տևողությունը 60 ամիս է:
- 3.2. **Մրցույթին** առցանց դիմելու վերջնաժամկետն է 2024 թվականի հունիսի 14-ը: (**Հայտերի** ուղարկման հնարավորությունը կարգելափակվի Երևանի ժամանակով ժամը 18:00-ին):
- 3.3. Թղթային տարբերակով **Կոմիտե** ներկայացվող փաստաթղթերի վերջնաժամկետն է 2024 թվականի հունիսի 21-ը:
- 3.4. **Պայմանագրերը** կնքվում են **Մրցույթի** արդյունքները հայտնի դառնալուց հետո՝ 10-օրյա ժամկետում:
- 3.5. **Հաշվետվությունների ներկայացման վերջնաժամկետն է** ֆինանսավորման մեկնարկից հետո յուրաքանչյուր 12-րդ ամսվա մինչև վերջին աշխատանքային օրը:
- 3.6. **Նախագիծը** սկսվում և իրականացվում է **Պայմանագրում** նշված ժամկետներում:

4. Գիտահետազոտական խումբը

- 4.1. **Նախագիծը** մշակում և իրականացնում է 2-5 անդամներից բաղկացած գիտահետազոտական խումբը (այսուհետ՝ **խումբ**), որը կազմված է արտերկրի ղեկավարից (այսուհետ՝ **Խմբի ղեկավար**) և կատարողներից:
- 4.2. **Խմբի** կատարողները կարող են լինել ինչպես Հայաստանի Հանրապետության քաղաքացիներ, այնպես էլ օտարերկրյա քաղաքացիներ:
- 4.3. **Խմբի ղեկավարը** և կատարողները **Նախագծի** իրականացման ընթացքում պետք է հանդիսանան Հայաստանի Հանրապետության քաղաքացիներ կամ ռեզիդենտներ, ինչպես նաև բնակվեն Հայաստանի Հանրապետությունում:
- 4.4. **Խումբը** պետք է ունենա արտասահմանյան գործընկեր (այսուհետ՝ **Գործընկեր**) (Foreign Partner; Collaborator):
- 4.5. **Խմբի** անունից հանդես է գալիս միայն **Խմբի ղեկավարը**:

5. Խմբի ղեկավարը

- 5.1. **Հայտը** ներկայացնում է **Խմբի ղեկավարը**:
- 5.2. **Խմբի ղեկավար** կարող է լինել այն անձը, ով՝
 - ծնվել է 1974 թվականի հունվարի 1-ից հետո,
 - գիտական աստիճանը ստացել է՝ 2004 թվականի հունվարի 1-ից հետո,

- սույն հրավերի հրապարակմանը նախորդող 4 տարիների ընթացքում գումարային 12 ամիս և ավելի Հայաստանի Հանրապետությունում չի ուսումնառել կամ աշխատել:

5.3. Խմբի ղեկավարը Նախագծի իրականացման ընթացքում պետք է հանդիսանա Հայաստանի Հանրապետության քաղաքացի կամ ռեզիդենտ, ինչպես նաև բնակվի Հայաստանի Հանրապետությունում:

5.4. Խմբի ղեկավարը վերջին 5 տարիների համար (2019 - 2024 թթ.) տվյալ բնագավառում պետք է ներկայացնի՝

Հավելված 2.1-ով ներկայացված գիտական և գիտատեխնիկական գործունեության «1-5» բնագավառների մասնագիտություններով.

- 4 գիտական հրապարակում **ՄԳՇ**-ում,
- կամ ունենա առնվազն 10 Հիրշի ինդեքս (h-index)՝ ըստ «Scopus» (<https://www.scopus.com/lookforauthor/form/author.uri>) գիտատեղեկատվական շտեմարանի տվյալների:

Հավելված 2.1-ով ներկայացված գիտական և գիտատեխնիկական գործունեության «6» բնագավառի մասնագիտություններով՝

- 2 հրապարակում **ՄԳՇ**-ում,
- կամ 1 **Մենագրություն**:

Մեկ Մենագրությունը «6» բնագավառի մասնագիտությունների համար համարժեք է 4 հրապարակման ՄԳՇ-ում:

5.5. Բեալի ցանկերում (Beall's list, <https://beallslist.net/>) ներառված կեղծ կամ «գիշատիչ» հրատարակչություններում կամ պարբերականներում հրատարակված հրապարակում ներկայացնելու դեպքում **Հայտը** գիտական փորձաքննության ենթարկելու հարցը կքննարկվի **Հայտերի** գնահատման նպատակով ստեղծված մասնագիտական փորձագիտական խորհրդում (այսուհետ՝ **խորհուրդ**):

5.6. Խմբի ղեկավարը պատասխանատու է **Խմբի** ձևավորման և **Նախագծի** հաջող ընթացքի համար:

6. Խմբի անդամները

6.1. Խմբի կատարողները կարող են լինել ինչպես Հայաստանի Հանրապետության քաղաքացիներ, այնպես էլ օտարերկրյա քաղաքացիներ:

- 6.2. **Խմբի** անդամները **Նախագծի** իրականացման ընթացքում պետք է հանդիսանան Հայաստանի Հանրապետության քաղաքացիներ կամ ռեզիդենտներ, ինչպես նաև բնակվեն Հայաստանի Հանրապետությունում:
- 6.3. **Խմբում** պետք է ընդգրկվի՝
- առնվազն 3 անդամ (ներառյալ **Խմբի ղեկավարը**)՝ Հավելված 2.1-ով ներկայացված գիտական և գիտատեխնիկական գործունեության «1-5» բնագավառների համար,
 - առնվազն 2 անդամ (ներառյալ **Խմբի ղեկավարը**)՝ Հավելված 2.1-ով ներկայացված գիտական և գիտատեխնիկական գործունեության «6» բնագավառների համար:
- 6.4. **Խմբի** անդամներից առնվազն երկուսը պետք է ծնված լինեն 1989 թվականի հունվարի 1-ից հետո և կարող են լինել առնվազն բակալավրիատի երրորդ կուրսի ուսանողներ: Նշված տարիքը կարող է բարձրանալ.
- զինված ուժերում ծառայած լինելու դեպքում՝ 2 տարով,
 - երեխայի խնամքի արձակուրդում գտնվելու դեպքում՝ յուրաքանչյուր երեխայի համար՝ 1 տարով:
- 6.5. Հավելված 2.1-ով ներկայացված գիտական և գիտատեխնիկական գործունեության «1-4» բնագավառների համար կատարողները կարող են լինել **Նախագծի** գիտական և գիտատեխնիկական բնագավառին առնչվող մասնագիտությամբ բակալավրիատի առնվազն առաջին կուրսի ուսանողներ, եթե դպրոցական առարկայական օլիմպիադայի հանրապետական փուլում 11-րդ կամ 12-րդ դասարաններում արժանացել են առնվազն երրորդ կարգի դիպլոմի:
- 6.6. **Խմբի** երիտասարդ կատարողներից առնվազն մեկը չպետք է ներառված լինի Հայաստանի Հանրապետության պետական բյուջեի գիտական և գիտատեխնիկական գործունեության բազային ֆինանսավորման որևէ ծրագրում:
- 6.7. **Խմբի** անդամները (ներառյալ **Խմբի ղեկավարը**) չեն կարող ընդգրկվել **Մրցույթին** ներկայացված մեկից ավելի **Հայտերում**, ինչպես նաև չեն կարող հանդիսանալ հետևյալ մրցույթների շահառուներ՝
- «Առաջատար հետազոտությունների աջակցության»,
 - «Գիտական խմբերի մեկնարկի կամ լաբորատորիաների (բաժինների) ամրապնդմանն աջակցության» (2021),

- «Գիտական խմբերի կամ լաբորատորիաների (բաժինների) ամրապնդմանն աջակցություն - 2023»,
- «Հայաստանի Հանրապետության գիտական համայնքին արտերկրի գիտնականների ինտեգրմանն աջակցության ծրագիր» (2022; 2023; 2023/2, 2024),
- «Հեռավար լաբորատորիաների հիմնադրման ծրագիր» (2022; 2023):

7. Արտասահմանյան գործընկերը (Գործընկերը)

7.1. **Խումբը** պետք է ունենա արտասահմանյան գործընկեր (Գործընկեր):

7.2. **Գործընկեր** կարող է լինել այն անձը, ով՝

- ունի գիտական աստիճան,
- արտերկրի որևէ հետազոտական կազմակերպությունում զբաղվում է գիտահետազոտական աշխատանքով՝ **Նախագծին** առնչվող մասնագիտությամբ:

7.3. **Գործընկերոջ** Հիրշի ինդեքսը (h-index)՝ ըստ «Scopus» (<https://www.scopus.com/freelookup/form/author.uri>) գիտատեղեկատվական շտեմարանի տվյալների, Հավելված 2.1-ում ներկայացված գիտական և գիտատեխնիկական գործունեության «1-4» բնագավառների մասնագիտություններով իրականացվելիք **Նախագծերի** համար պետք է լինի առնվազն 15, իսկ «5-6» բնագավառների մասնագիտություններով իրականացվելիք **Նախագծերի** համար՝ առնվազն 3, կամ վերջին 5 տարիների ընթացքում, տվյալ բնագավառում պետք է ունենա առնվազն 8 գիտական հրապարակում **ՄԳՇ-ում**:

7.4. **Գործընկերը** չի հանդիսանում **Խմբի** անդամ, և վերջինիս համար աշխատանքի վարձատրություն չի նախատեսվում:

7.5. **Գործընկերը Խմբի ղեկավարին** է տրամադրում իր մասնագիտական ինքնակենսագրությունը (CV) և հաստատող նամակը (Confirmation Letter), որով հավաստում է, որ ծանոթ է **Նախագծի** բովանդակությանը, համաձայն է մասնակցել հետազոտական աշխատանքներին և ծանոթ է իր գործառույթների շրջանակին, նախատեսվող համատեղ միջոցառումներին (գիտափորձեր, քննարկումներ, սեմինարներ և այլն):

7.6. Որպես **Նախագծի** վերջնարդյունք ներկայացված հրապարակումներից առնվազն մեկը պետք է լինի **Գործընկերոջ** համահեղինակությամբ:

- 7.7. **Նախագծի** իրականացման ողջ ժամանակահատվածում (60-ամսյա կտրվածքով) **Գործընկերը** պետք է գումարային առնվազն 25 օր գտնվի Հայաստանի Հանրապետության ընդունող **Կազմակերպությունում** և գումարային առնվազն 25 օր իր գիտական կազմակերպությունում ընդունի **Խմբի** անդամներին:
- 7.8. **Գործընկերը** չի կարող ընդգրկվել **Մրցույթին** ներկայացված մեկից ավելի **Հայտերում**:

8. Կազմակերպությանը ներկայացվող պահանջները

- 8.1. **Կազմակերպությունը** պետք է լինի Հայաստանի Հանրապետության պետական բյուջեի գիտական և գիտատեխնիկական գործունեության բազային ֆինանսավորմամբ ծրագիր իրականացնող:
- 8.2. **Կազմակերպությունը** հասանելիություն է ապահովում առկա ենթակառուցվածքներին և սարքավորումներին:
- 8.3. **Կազմակերպությունը** պետք է աջակցի **Նախագծի** իրականացմանը:
- 8.4. **Կազմակերպությունը Խմբի ղեկավարին** է տրամադրում **Կազմակերպության** (բուհի ֆակուլտետի) գիտական (գիտատեխնիկական) խորհրդի եզրակացությունը (Board Conclusion), որտեղ հիմնավորվում է **Կազմակերպության** գիտական ուղղություններին **Նախագծի** համապատասխանությունը, կարևորությունը և արդիականությունը:
- 8.5. **Կազմակերպությունը Նախագծի** կատարման առնվազն ողջ ընթացքի համար **Խմբի ղեկավարին** ներառում է գիտական և գիտատեխնիկական գործունեության բազային ֆինանսավորմամբ ծրագրում:
- 8.6. **Նախագծի** իրականացման ընթացքում՝ մինչև 24 ամիսը լրանալը, **Խմբի ղեկավարի** (ստորաբաժանման ղեկավար) և կատարողների (ստորաբաժանման աշխատակիցներ) ընդգրկմամբ **Կազմակերպությունում** գիտական և գիտատեխնիկական գործունեության բազային ֆինանսավորմամբ ձևավորվում է նոր գիտական ստորաբաժանում (խումբ, լաբորատորիա, բաժին), որտեղ **Հայտում** ընդգրկված աշխատակիցների գումարային աշխատաժամանակի տևողությունը պետք է լինի առնվազն շաբաթական 120 ժամ (3 Full Time Equivalent. FTE):
- 8.7. **Կազմակերպության** ղեկավարը **Խմբի ղեկավարին** է տրամադրում գրություն, որ ծանոթ է **Մրցույթի** հրավերի պայմաններին և պատրաստ է **Նախագծի** հաջող ընթացքի պարագայում **Կազմակերպության** բազային ֆինանսավորմամբ ծրագրի

Ֆինանսական ռեսուրսներով ապահովել սույն հրավերի «8.5.» և «8.6.» ենթակետերով նախատեսված պայմանները:

- 8.8.** Ֆինանսական նախահաշվի (այսուհետ՝ **Նախահաշիվ**), «Այլ ծախսեր» հոդվածի «Վերադիր ծախսեր» ենթահոդվածով նախատեսված ֆինանսական միջոցներով **Կազմակերպության** ղեկավարն ապահովում է **Նախագծի** կատարման համար անհրաժեշտ պայմաններ ստեղծելուն ուղղված ծախսերը:
- 8.9.** **Նախագծի** իրականացման համար անհրաժեշտ սարքերը, նյութերը և ծառայությունները ձեռք են բերվում «Գնումների մասին» ՀՀ օրենքով սահմանված կարգով՝ պետության կարիքների համար կատարվող գնումների կանոնների համապատասխան:
- 8.10.** Ձեռք բերված սարքերն ու սարքավորումները ներառվում են **Կազմակերպության** հաշվեկշռում, և դրանց տնօրինման իրավունքը պատկանում է **Կազմակերպությանը**՝ հետագայում կանոնադրական նպատակներով (գիտական և գիտահետազոտական աշխատանքների իրականացման) օգտագործման համար:
- 8.11.** **Կազմակերպության, Կոմիտեի** և ֆինանսավորման երաշխավորված **Հայտի ղեկավարի** միջև կնքվում է գիտական և գիտատեխնիկական գործունեության պայմանագրային թեմաների իրականացման համար պետության կողմից դրամաշնորհի ձևով տրամադրվող ֆինանսական աջակցության գումարների օգտագործման մասին պայմանագիր (այսուհետ՝ **Պայմանագիր**):

9. Ակնկալվող արդյունքները

- 9.1.** **Նախագծի** կատարման 35 ամիսը լրանալուց հետո **Խմբի** անդամները պետք է ունենան որպես աշխատավայր (affiliation) **Կազմակերպության** և սույն հրավերի «9.5.» ենթակետով սահմանված նշումներով.
- **Հավելված 2.1**-ով ներկայացված գիտական և գիտատեխնիկական գործունեության «1-5» բնագավառների մասնագիտություններով ներկայացված **Հայտի** հաշվետվությունում
 - առնվազն 4 գիտական հրապարակում **ՄԳՇ**-ում:
 - **Հավելված 2.1**-ով ներկայացված գիտական և գիտատեխնիկական գործունեության «6» բնագավառի մասնագիտություններով ներկայացված **Հայտի** հաշվետվությունում
 - առնվազն 2 գիտական հրապարակում **ՄԳՇ**-ում,

- կամ 1 Մենագրություն:

9.2. **Նախագծի** կատարման 35 ամիսը լրանալուց հետո սույն հրավերի «9.1.» ենթակետի պայմանները չկատարելու դեպքում **Նախագծի** ֆինանսավորումը կարող է դադարեցվել՝ **Խորհրդի** եզրակացությամբ:

9.3. **Նախագծի** ավարտից հետո (60-ամսյա կտրվածքով) **Խմբի** անդամները պետք է ունենան որպես աշխատավայր (affiliation) **Կազմակերպության** և սույն հրավերի «9.5.» ենթակետով սահմանված նշումներով.

- **Հավելված 2.1-ով** ներկայացված գիտական և գիտատեխնիկական գործունեության «1-5» բնագավառների մասնագիտություններով ներկայացված **Հայտի** հաշվետվությունում՝

- առնվազն 10 գիտական հրապարակումներ ՄԳՇ-ում, որոնցից առնվազն երկուսը՝ Q1 և առնվազն երկուսը՝ Q2 քառորդներում ընդգրկված պարբերականներում:

- **Հավելված 2.1-ով** ներկայացված գիտական և գիտատեխնիկական գործունեության «6» բնագավառի մասնագիտություններով ներկայացված **Հայտի** հաշվետվությունում՝

- առնվազն 5 գիտական հրապարակումներ **ՄԳՇ**-ում, որոնցից առնվազն երկուսը՝ Q1 և առնվազն երկուսը՝ Q2 քառորդներում ընդգրկված պարբերականներում,

- կամ 2 Մենագրություն:

Մեկ Մենագրությունը «6» բնագավառի մասնագիտությունների համար համարժեք է ՄԳՇ-ում ընդգրկված 4 հրապարակման:

9.4. Որպես **Նախագծի** արդյունք ներկայացված գիտական հրապարակումներում, Հավելված 2.1-ով ներկայացված գիտական և գիտատեխնիկական գործունեության «1-5» բնագավառների մասնագիտություններով՝ առնվազն 5-ում, իսկ Հավելված 2.1-ով ներկայացված գիտական և գիտատեխնիկական գործունեության «6» բնագավառի մասնագիտություններով՝ առնվազն 3-ում, **Խմբի ղեկավարը** պետք է լինի կամ առաջին, կամ վերջին, կամ նամակագրություն վարող (corresponding author) հեղինակ, կամ ունենա որևէ համարժեք նշում, իսկ առնվազն 1 գիտական հրապարակում պետք է լինի **Գործընկերոջ** համահեղինակությամբ:

9.5. **Նախագծի** շրջանակներում իրականացված հետազոտության արդյունքները հրապարակելիս անհրաժեշտ է նշել **Կոմիտեի** կողմից ստացած աջակցության մասին.

- *This work was supported by the Higher Education and Science Committee of RA (Research project № _____).*

Ուշադրություն. Համապատասխան նշումների բացակայության դեպքում հրապարակումը չի համարվի Նախագծի իրականացման արդյունք, հետևաբար՝ հաշվի չի առնվի հաշվետվության մեջ:

9.6. **Նախագծի** կատարման արդյունքում Հավելված 2.1-ով ներկայացված գիտական և գիտատեխնիկական գործունեության «1-5» բնագավառների մասնագիտություններով ակնկալվում է 25,000.0 հազար ՀՀ դրամը, իսկ Հավելված 2.1-ով ներկայացված գիտական և գիտատեխնիկական գործունեության «6» բնագավառի մասնագիտություններով 15,000.0 հազար ՀՀ դրամը գերազանցող միջազգային գիտական դրամաշնորհի առնվազն մեկ դիմում (submitted grant):

9.7. **Նախագծի** իրականացման ընթացքում **Խմբի** անդամները պետք է ապահովեն **Նախագծի** կամ գիտության տվյալ բնագավառի վերաբերյալ գիտահանրամատչելի նյութերի ստեղծում և հանրայնացում (հարցազրույցներ, հրապարակումներ գիտահանրամատչելի ամսագրերում, տեսանյութերի ստեղծում և տարածում, լայն լսարանի համար քննարկումների կազմակերպում և այլն), որոնք հաշվի կառնվեն **Խորհրդի** կողմից ամփոփիչ հաշվետվությունն ընդունելու մասին եզրակացություն տալիս:

9.8. Սույն հրավերի «9.1.», «9.3.» և «9.4.» ենթակետերով նշված պայմանները չկատարելը/կատարելը կանդրադառնա **Կոմիտեի** կողմից հետագայում հայտարարվող մրցույթներում **Խմբի** անդամների ընդգրկմամբ հայտի գնահատականի վրա՝ դրանից հանելով/գումարելով տվյալ մրցույթում հայտի առավելագույն գնահատականի 5 տոկոսի չափով միավոր՝ **Խմբի ղեկավարի** ընդգրկված լինելու դեպքում և 1 տոկոսի չափով միավոր՝ **Խմբի կատարողներից** յուրաքանչյուրի դեպքում: Հանրագումարում կհանվի/կգումարվի տվյալ մրցույթում հայտի առավելագույն գնահատականի ոչ ավելի, քան 5 տոկոսի չափով միավոր: Հետագա մրցույթներին ներկայացված հայտի գնահատականի նվազեցումը կչեղարկվի սույն հրավերի «9.1.» և «9.3.» ենթակետերով նախատեսված

պայմանները բավարարելու մասին **Կոմիտե** ներկայացված տեղեկատվության հիման վրա:

II. ՀԱՅՏԻ ԼՐԱՑՄԱՆ ԵՎ ՆԵՐԿԱՅԱՑՄԱՆ ԸՆԹԱՑԱԿԱՐԳՐ

10. Հայտ և անհրաժեշտ փաստաթղթեր ներկայացնելը

10.1. **Հայտը** լրացնում և ներկայացնում է **Խմբի ղեկավարը** irf-armenia-2024.hesc.am առցանց համակարգի միջոցով: **Հայտի** ուղարկման վերջնաժամկետն է 2024 թվականի հունիսի 14-ը (**Հայտերի** ուղարկման հնարավորությունը կարգելափակվի Երևանի ժամանակով ժամը 18:00-ին):

10.2. Թղթային տարբերակով **Կոմիտե** են ներկայացվում հետևյալ փաստաթղթերը՝

- **Խմբի ղեկավարի** դիմումը (Հավելված N 2.3),
- **Նախահաշիվը,**
- **Կազմակերպության** կամ ֆակուլտետի գիտական (գիտատեխնիկական) խորհրդի եզրակացությունը (Board Conclusion), որը պետք է պարունակի **Կազմակերպության** գիտական ուղղություններին **Նախագծի** համապատասխանության, կարևորության և արդիականության վերաբերյալ հիմնավորում,
- **Կազմակերպության** ղեկավարի՝ սույն հրավերի «8.5.» և «8.6.» ենթակետերով սահմանված համաձայնության մասին գրությունը,
- **Խմբի** կատարողների ասպիրանտ կամ ուսանող հանդիսանալու դեպքում՝ համապատասխան տեղեկանքները, որտեղ նշված են մասնագիտությունը և ուսուցման տարին,
- Սույն հրավերի «5.2.» ենթակետով պահանջվող դիպլոմի պատճենը,
- **Խմբի** անդամների մասնագիտական ինքնակենսագրությունները (CV),
- **Գործընկերոջ** մասնագիտական ինքնակենսագրությունը (CV) և հաստատող նամակը (Letter of Confirmation):

10.3. Անհրաժեշտության դեպքում կարող են պահանջվել այլ փաստաթղթեր:

10.4. **Կազմակերպության** ներկայացուցիչը (գիտական քարտուղար կամ այլ պատասխանատու անձ) մինչև 2024 թվականի հունիսի 21-ը ներառյալ մեկ ընդհանուր փաթեթով, **Կազմակերպության** ղեկավարի գրությամբ (Հավելված N 2.4), առձեռն **Կոմիտե** է ներկայացնում **Կազմակերպության** կողմից ներկայացված բոլոր **Հայտերին** վերաբերող փաստաթղթերը, աշխատանքային օրերին՝ ժամը 09:00-13:00 և 14:00-18:00 (Օրբելի եղբայրների 22, 9-րդ հարկ, 906 սենյակ):

10.5. Մրցույթի վերաբերյալ լրացուցիչ տեղեկատվություն և խորհրդատվություն կարելի է ստանալ **Կոմիտեից**, հեռախոս՝ (010) 210140 (ներքին 108), էլեկտրոնային փոստ՝ scexpert@hesc.am:

Ուշադրություն. Կոմիտեն քննարկման է ընդունում միայն առցանց համակարգի կողմից ձևավորված Հայտերը: Վերը նշված ընթացակարգի և ժամկետների խախտմամբ ներկայացված հայտերը քննարկման ենթակա չեն:

11. Նախահաշվի կազմությունը

11.1. Նախահաշիվը կազմված է «Աշխատանքի վարձատրություն» և «Այլ ծախսեր» հոդվածներից: «Այլ ծախսեր» հոդվածը բաղկացած է «Սարքեր, նյութեր և ծառայություններ», «Գործուղումներ», «Խմբի կամ լաբորատորիայի ամրապնդում» և «Վերադիր ծախսեր» ենթահոդվածներից:

11.2. Ֆինանսավորման առավելագույն չափը **Նախագծի** իրականացման ողջ ընթացքի համար կարող է լինել՝ 148,000.0 հազար, 125,000.0 հազար, 102,000.0 հազար կամ 79,000.0 հազար դրամ՝, իսկ **Խմբի ղեկավարի** ընտանիքի անդամ(ներ)ի հետ Հայաստանի Հանրապետություն տեղափոխվելու դեպքում՝ 157,000.0 հազար, 134,000.0 հազար, 111,000.0 հազար կամ 88,000.0 հազար ՀՀ դրամ՝ համապատասխանաբար 5; 4; 3 կամ 2 անդամից բաղկացած **Խմբերի** համար:

11.3. Նախահաշվի «Աշխատանքի վարձատրություն» հոդվածում աշխատանքի վարձատրության (ներառյալ հարկերը և այլ պարտադիր վճարները) առավելագույն չափը նախատեսել.

- **Խմբի ղեկավարի** համար ամսական 600.0 հազար դրամ, իսկ ընտանիքի անդամ(ներ)ի հետ Հայաստանի Հանրապետություն տեղափոխվելու դեպքում՝ ամսական 750.0 հազար դրամ,
- կատարողների համար (բացի **Խմբի ղեկավարից**) միջին ամսական վարձատրությունը՝ 300.0 հազար դրամ:

11.4. Աշխատանքի վարձատրության գումարը վերոնշյալ չափից պակաս նախատեսելու դեպքում տարբերությունը կարող է օգտագործվել **Նախահաշվի** «Այլ ծախսեր» հոդվածում:

11.5. Գործընկերոջ համար աշխատանքի վարձատրություն չի նախատեսվում:

- 11.6. **Նախահաշվի** «Այլ ծախսեր» հոդվածի «Սարքեր, նյութեր և ծառայություններ», «Գործուղումներ» և «Վերադիր ծախսեր» ենթահոդվածներով 60 ամսվա համար կարելի է նախատեսել 25,000.0 հազար, 20,000.0 հազար, 15,000.0 հազար կամ 10,000.0 հազար դրամ՝ համապատասխանաբար 5; 4; 3 կամ 2 անդամից բաղկացած **Խմբերի** համար: Այս գումարը կարող է ավելանալ «11.4.» ենթակետով սահմանված տարբերության չափով:
- 11.7. **Նախահաշվի** «Այլ ծախսեր» հոդվածի «Սարքեր, նյութեր և ծառայություններ» ենթահոդվածով կարող են նախատեսվել գիտական սարքավորումների, հետազոտությունների ընթացքում օգտագործվող նյութերի ձեռքբերման և/կամ ծառայությունների ծախսերը: Ծառայությունների մատուցման պայմանագրեր կարող է կնքվել միայն իրավաբանական անձանց հետ՝ համաձայնեցնելով **Կոմիտեի** հետ:
- 11.8. Գիտական սարքերի և սարքավորումների ձեռքբերումը չի կարող նախատեսվել **Նախագծի** իրականացման վերջին տարում:
- 11.9. **Նախահաշվի** «Այլ ծախսեր» հոդվածի «Գործուղումներ» ենթահոդվածով նախատեսվող գումարը կարող է օգտագործվել **Նախագծի** իրականացման, ընթացքի ու արդյունքների ներկայացման նպատակով միջազգային գիտաժողովներին մասնակցության համար, ինչպես նաև **Գործընկերոջ** և **Խմբի** անդամների փոխադարձ այցելությունների ծախսերը հոգալու համար:
- 11.10. Գործուղումների օրապահիկը և գիշերավարձը հաշվարկելիս անհրաժեշտ է առաջնորդվել Հայաստանի Հանրապետության կառավարության 2005 թվականի դեկտեմբերի 29-ի N 2335-Ն որոշմամբ:
- 11.11. **Նախահաշվի** «Այլ ծախսեր» հոդվածի «Խմբի կամ լաբորատորիայի ամրապնդում» ենթահոդվածով առաջին 12 ամսվա համար կարող է հայցվել 15,000.0 հազար դրամ, որը կարող է օգտագործվել խմբի կամ լաբորատորիայի ենթակառուցվածքի բարելավման ուղղությամբ և **Նախագծի** կատարման համար անհրաժեշտ այլ ծախսերի համար:
- 11.12. **Նախահաշվի** «Այլ ծախսեր» հոդվածի «Վերադիր ծախսեր» ենթահոդվածով (60 ամսվա համար) կարող է հայցվել մինչև 2,500.0 հազար դրամ:
- 11.13. **Նախահաշվի** բոլոր ենթահոդվածների ծախսերը պետք է հիմնավորել **Նախահաշվի** մեկնաբանության մեջ:
- 11.14. **Նախահաշվի** հիմնավորվածությունը և բաշխումը կարող են լրամշակվել **Խորհրդի** առաջարկությամբ և **Խմբի ղեկավարի** համաձայնությամբ:

III. ՀԱՅՏԵՐԻ ՔՆՆԱՐԿՈՒՄԸ ԵՎ ԳՆԱՀԱՏՈՒՄԸ

12. Հայտերի համապատասխանությունը Մրցույթի պայմաններին

12.1. Կոմիտեն ստուգում է

- **Հայտերի** համապատասխանությունը **Մրցույթի** հրավերի պայմաններին,
- Բեալի ցանկերում (*Beall's list, <https://beallslit.net/>*) ներառված կեղծ կամ «գիշատիչ» հրատարակչություններում կամ պարբերականներում հրատարակված հրապարակումների առկայությունը **Հայտում**:

12.2. Հայտը չի քննարկվում, եթե՝

- չի պարունակում բոլոր անհրաժեշտ փաստաթղթերը,
- չի բավարարում **Մրցույթի** հրավերի պայմաններին,
- բովանդակությամբ համընկնում է Հայաստանի Հանրապետության պետական բյուջեից ֆինանսավորվող կամ ֆինանսավորված որևէ այլ նախագծի հետ:

12.3. Ստուգման արդյունքները տրամադրվում են **Խորհրդին**:

12.4. **Խորհուրդը** քննարկում և հաստատում է գիտական փորձաքննության ենթակա **Հայտերի** ցանկը:

12.5. Մրցույթի պայմաններին չհամապատասխանող Հայտերը ներկայացրած Խմբի ղեկավարները տեղեկացվում են գիտական փորձաքննության փուլ չանցնելու մասին:

13. Գիտական փորձաքննությունը

13.1. **Խորհուրդը Կոմիտեի** հետ համատեղ մշակում ու հաստատում է **Հայտերի** գիտական փորձաքննության առաջին և երկրորդ փուլերի գնահատման թերթիկները և վարման ընթացակարգը:

13.2. **Կոմիտեի, Խորհրդի** և փորձագետների կողմից **Հայտի** բովանդակության, գիտական փորձաքննության ընթացքի և արդյունքի վերաբերյալ տեղեկությունների տրամադրումն այլ անձանց արգելվում է՝ համաձայն «Գիտական և գիտատեխնիկական փորձաքննության մասին» Հայաստանի Հանրապետության օրենքով սահմանված դրույթների:

14. **Գիտական փորձաքննության առաջին փուլը** (ընդարձակ ամփոփագրի գնահատում)

- 14.1. Գիտական փորձաքննության առաջին փուլում **Խորհուրդը**, հաշվի առնելով **Նախագծի** ընդարձակ ամփոփագիրը (Հավելված 2.5), **Խմբի ղեկավարի** գիտական հետազիծը (track record), մասնագիտական ինքնակենսագրությունը (CV), **Կազմակերպության և Գործընկերոջ** համապատասխանությունը **Նախագծի** նպատակներին, կոնսենսուսի սկզբունքով ձևավորում է առաջին փուլը հաղթահարած **Հայտերի** ցանկը, որոնք անցնում են գիտական փորձաքննության երկրորդ փուլ:
- 14.2. Գիտական փորձաքննության երկրորդ փուլ չանցած **Հայտերի Խմբի ղեկավարները** տեղեկացվում են այդ մասին:

15. **Գիտական փորձաքննության երկրորդ փուլը** (փորձագետի գնահատում)

- 15.1. Գիտական փորձաքննության երկրորդ փուլում փորձագետը գնահատում է **Հայտը՝ Նախագիծը** (Հավելված N 2.2), վերջինիս խնդրի արդի վիճակը, նորույթը, հեռանկարը, **Կազմակերպությունում** իրականացման նախադրյալները, համապատասխանությունը ոլորտի զարգացման միտումներին, աշխատանքի ծավալի և իրականացման ժամկետների հիմնավորվածությունը, համագործակցության նպատակահարմարությունը, **Խմբի** ղեկավարի, կատարողների, **Գործընկերոջ** մասնագիտական համապատասխանությունը **Նախագծի** նպատակներին, գիտական արդյունքների տնօրինումը և տարածումը, **Նախահաշվի** հիմնավորվածությունը, ինչպես նաև **Մրցույթի** առանձնահատկություններից բխող այլ հարցեր, իսկ **Խորհուրդը Խմբի ղեկավարի** հետ անցկացնում է հարցազրույց:
- 15.2. **Հայտը** գնահատվում է առնվազն երկու փորձագետի կողմից: Որպես փորձագետ կարող է հանդես գալ նաև **Խորհրդի** անդամը:
- 15.3. Յուրաքանչյուր **Հայտի** համար փորձագետը լրացնում է փորձագետի գնահատման թերթիկ:
- 15.4. Փորձագետի առավելագույն գնահատականը կազմում է **Հայտի** առավելագույն գնահատականի **50** տոկոսը:
- 15.5. Երկու փորձագետների գնահատականները փորձագետի առավելագույն գնահատականի 30 և ավելի տոկոսով տարբերվելու դեպքում **Հայտը** գնահատվում է երրորդ փորձագետի կողմից:

16. **Գիտական փորձաքննության երկրորդ փուլը** (հարցազրույց)

16.1. **Խորհուրդը Խմբի ղեկավարի** հետ անցկացնում է հարցազրույց:

16.2. Յուրաքանչյուր **Հայտի** համար **Խորհրդի** յուրաքանչյուր անդամ լրացնում է հարցազրույցի գնահատման թերթիկը:

16.3. Հարցազրույցի առավելագույն գնահատականը կազմում է **Հայտի** առավելագույն գնահատականի **50** տոկոսը:

17. **Գնահատման արդյունքները**

17.1. **Հայտի** գնահատականը գիտական փորձաքննության երկրորդ փուլի արդյունքում ձևավորված երկու փորձագետների գնահատականների միջին թվաբանականի և հարցազրույցի գնահատականների միջին թվաբանականի գումարն է, իսկ եթե **Հայտը** գնահատվել է երեք փորձագետի կողմից, ապա **Հայտի** գնահատականը փորձագետների երկու իրար մոտ գնահատականների միջին թվաբանականի (երեք փորձագետների գնահատականների հավասար տարբերությունների դեպքում՝ երկու առավելագույն գնահատականների միջին թվաբանականի) և հարցազրույցի գնահատականների միջին թվաբանականի գումարն է:

17.2. **Կոմիտեն** գիտական փորձաքննության երկրորդ փուլ անցած **Հայտերի** գնահատականների հիման վրա ձևավորում է **Հայտերի** վարկանիշային ցանկ՝ գնահատականների նվազման կարգով և ներկայացնում **Խորհրդին**՝ քննարկման:

17.3. **Խորհուրդը** հաստատում է **Հայտերի** գնահատականների վարկանիշային ցանկը և **Կոմիտեի** նախագահին առաջարկում գիտական և գիտատեխնիկական գործունեության յուրաքանչյուր բնագավառի շեմային գնահատականը:

17.4. **Կոմիտեն**, ելնելով Հայաստանի Հանրապետության պետական բյուջեից գիտական և գիտատեխնիկական գործունեության պայմանագրային (թեմատիկ) ֆինանսավորման հատկացումների չափից, որոշում է գիտական և գիտատեխնիկական գործունեության յուրաքանչյուր բնագավառի շեմային գնահատականը և **Նախարարի** հաստատմանն է ներկայացնում ֆինանսավորման երաշխավորված **Հայտերի** ցանկը և ֆինանսավորման չափը:

17.5. **Նախարարի** հրամանով հաստատվում է ֆինանսավորման երաշխավորված **Հայտերի** ցանկը և ֆինանսավորման չափը:

17.6. **Մրցույթի** արդյունքում ֆինանսավորման երաշխավորված **Հայտերի** ցանկը հրապարակվում է **Կոմիտեի** պաշտոնական կայքում:

- 17.7. **Կոմիտեն Կազմակերպության** ղեկավարին տրամադրում է տվյալ **Կազմակերպության** շահառու **Հայտերի** ցանկը:
- 17.8. **Կոմիտեն Խմբի ղեկավարներին** տրամադրում է փորձաքննության արդյունքները և անցողիկ շեմային գնահատականը:

IV. ԱՅԼ ԴՐՈՒՅԹՆԵՐ

18. Պայմանագրերի կնքումը

- 18.1. **Կազմակերպության, Կոմիտեի** և ֆինանսավորման երաշխավորված **Խմբի ղեկավարի** միջև կնքվում է **Պայմանագիր**:
- 18.2. **Խմբի ղեկավարի** և **Խմբի կատարողների** աշխատանքների ամսական վարձատրությունն ապահովելու համար **Կազմակերպությունը** կնքում է պայմանագրեր՝ ՀՀ «Քաղաքացիական օրենսգրքով» սահմանված կարգով, որոնց պատճենները ներկայացվում են **Կոմիտե**:
- 18.3. **Պայմանագրերը** կնքվում են **Մրցույթի** արդյունքները հայտնի դառնալուց հետո՝ 10-օրյա ժամկետում:
- 18.4. **Նախագծերը** սկսվում և իրականացվում են **Պայմանագրում** նշված ժամկետներում:

19. Հաշվետվությունը

- 19.1. **Նախագծի** իրականացման ընթացքում, ֆինանսավորման մեկնարկից հետո յուրաքանչյուր 12-րդ ամսվա մինչև վերջին աշխատանքային օրը, **Խմբի ղեկավարը Կոմիտե** է ներկայացնում ընթացիկ հաշվետվություն, որի հիման վրա **Խորհուրդը** տալիս է եզրակացություն՝ **Նախագծի** ֆինանսավորումը շարունակելու նպատակահարմարության մասին:
- 19.2. **Նախագծի** իրականացման 35-րդ ամսվա մինչև վերջին աշխատանքային օրը, **Խմբի ղեկավարը Կոմիտե** է ներկայացնում եռամյա հաշվետվություն՝ ներառելով **Նախագծի** ակնկալվող միջանկյալ արդյունքները (սույն հրավերի «9.1.» ենթակետ), որոնց հիման վրա **Խորհուրդը** տալիս է եզրակացություն՝ **Նախագծի** ֆինանսավորումը դադարեցնելու կամ ևս 24 ամիս շարունակելու նպատակահարմարության մասին:
- 19.3. **Նախագծի** իրականացման 60-րդ ամսվա մինչև վերջին աշխատանքային օրը, **Խմբի ղեկավարը Կոմիտե** է ներկայացնում ամփոփիչ հաշվետվություն, որի հիման վրա **Խորհուրդը** տալիս է հաշվետվությունն ընդունելու մասին եզրակացություն:

- 19.4. **Նախագծի** իրականացման ընթացքում **Կոմիտեն** կարող է իրականացնել **Նախագծի** մշտադիտարկում և արդյունքները ներկայացնել **Խորհրդին**:
- 19.5. **Նախագծի** ֆինանսավորումը շարունակելու նպատակահարմարության մասին եզրակացություն տալիս **Խորհուրդը** պետք է հաշվի առնի նաև մշտադիտարկման արդյունքները:
- 19.6. **Կոմիտեն** կարող է ֆինանսավորման երաշխավորված **Նախագծերի** անուտացիան և հաշվետվությունը հրապարակել տպագիր կամ էլեկտրոնային եղանակով:

20. Լրացուցիչ տեղեկություններ

- 20.1. Մտավոր սեփականության հեղինակային կամ արտոնագրային իրավունքի օբյեկտ հանդիսացող նյութեր պարունակող **Նախագիծ** և այնուհետև հաշվետվություն ներկայացնելու դեպքում **Խմբի ղեկավարը** պետք է առաջնորդվի «Հեղինակային իրավունքի և հարակից իրավունքների մասին» և «Գյուտերի, օգտակար մոդելների և արդյունաբերական նմուշների մասին» Հայաստանի Հանրապետության օրենքներով սահմանված դրույթներով:
- 20.2. **Խմբի ղեկավարը Նախահաշվի** «Այլ ծախսեր» հոդվածում կարող է կատարել ենթահոդվածներով նախատեսված ծախսերի վերաբաշխում՝ ներկայացնելով համապատասխան հիմնավորում և ստանալով **Կոմիտեի** գրավոր համաձայնությունը:
- 20.3. **Նախագծի** իրականացման ընթացքում (ոչ շուտ, քան 12 ամիս անց) **Խմբի ղեկավարը** կարող է դիմել **Կոմիտե՝ Նախագծի** կատարողների թիվը **Նախագծին** առնչվող մասնագիտություն ունեցող առավելագույնը 2 մինչև 35 տարեկան կատարողներով ավելացնելու առաջարկով՝ ներկայացնելով համապատասխան հիմնավորում: Կատարողների թիվն ավելանալու դեպքում **Խմբի ղեկավարի, Կազմակերպության և Կոմիտեի** միջև կնքված **Պայմանագրի** գինն ավելանում է յուրաքանչյուր նոր կատարողի համար մինչև 1,800.0 հազար դրամով (12 ամսվա կտրվածքով):
- 20.4. Սույն հրավերի «20.3.» ենթակետով ներգրավված կատարողները չպետք է լինեն Հայաստանի Հանրապետության պետական բյուջեի գիտական և գիտատեխնիկական գործունեության բազային ֆինանսավորմամբ ծրագիր իրականացնող որևէ կազմակերպության աշխատակից:

- 20.5. **Խմբի ղեկավարը** կարող է դիմել **Կոմիտե** կատարողի կամ **Գործընկերոջ** համարժեք փոփոխություն կատարելու միջնորդությամբ՝ ներկայացնելով համապատասխան հիմնավորում: Կատարողի փոփոխություն կատարելու դեպքում **Կոմիտե** է ներկայացվում նոր կատարողի հետ դրամաշնորհի շրջանակներում կնքված պայմանագրի պատճենը:
- 20.6. **Խմբի ղեկավարը** կարող է դիմել **Կոմիտե**՝ կատարողների թիվը մեկով կրճատելու միջնորդությամբ՝ ներկայացնելով համապատասխան հիմնավորումը: Կատարողների թվի կրճատման դեպքում կնքվում է **Պայմանագրի** գնի փոփոխության մասին համաձայնագիր:
- 20.7. **Խմբի ղեկավարը** կարող է դիմել **Կոմիտե**՝ կատարողի աշխատանքի վարձատրությունը մինչև երեք ամիս տևողությամբ դադարեցնելու միջնորդությամբ՝ ներկայացնելով համապատասխան հիմնավորումը: Եռամսյա ժամկետում կատարող չընդգրկելու դեպքում կատարողների թիվը կրճատվում է մեկով և կնքվում է **Պայմանագրի** գնի (ներառյալ երեք ամսվա աշխատանքի վարձատրության գումարը) փոփոխության մասին համաձայնագիր: Կատարող ընդգրկելու դեպքում **Նախահաշվի** «Աշխատանքի վարձատրություն» հոդվածում ավելացած գումարը **Խմբի ղեկավարը** կարող է վերաբաշխել **Պայմանագրի** հոդվածների միջև:
- 20.8. **Խմբի** անդամների՝ Հայաստանի Հանրապետությունից երկու և ավել ամիս բացակայությունը պետք է գրավոր համաձայնեցնել **Կոմիտեի** հետ:

21. Նախագծի ֆինանսավորման դադարեցումը

Կոմիտեն կարող է դադարեցնել **Նախագծի** ֆինանսավորումը, եթե.

- սահմանված ժամկետում չի ներկայացվել ընթացիկ հաշվետվություն կամ հաշվետվության վերաբերյալ **Խորհրդի** կողմից տրվել է բացասական եզրակացություն,
- առանց **Կոմիտեի** գրավոր համաձայնության կատարվել է **Նախահաշվի** «Այլ ծախսեր» հոդվածում վերաբաշխում,
- առանց **Կոմիտեի** գրավոր համաձայնության **Խմբի** կազմում կատարվել է փոփոխություն,
- առանց **Կոմիտեի** գրավոր համաձայնության **Խմբի** անդամներից որևէ մեկը երկու և ավել ամիս բացակայել է Հայաստանի Հանրապետությունից,

- սույն հրավերի «**8.5.**» և «**8.6.**» ենթակետերում նշված պայմանը չի կատարվել, ընդ որում՝ այն կանդիդատնա նաև **Կազմակերպությունից Կոմիտե** ներկայացված այլ հայտերի վրա՝ հետագա ծրագրի համար ստեղծված համապատասխան խորհրդի եզրակացությամբ որոշված չափով,
- սույն հրավերի «**9.1.**» ենթակետում նշված պայմանը չի կատարվել:

**ԳԻՏԱԿԱՆ ԵՎ ԳԻՏԱՏԵԽՆԻԿԱԿԱՆ ԳՈՐԾՈՒՆԵՈՒԹՅԱՆ ԲՆԱԳԱՎԱՌՆԵՐԸ ԵՎ
ՄԱՍՆԱԳԻՏՈՒԹՅՈՒՆՆԵՐԸ՝ ՀԱՄԱՊԱՏԱՍԽԱՆ ԴԱՍԻՉՆԵՐՈՎ**

1. ԲՆԱԿԱՆ ԳԻՏՈՒԹՅՈՒՆՆԵՐ

- 1.1. Մաթեմատիկա
- 1.2. Ինֆորմատիկա և համակարգչային գիտություններ
- 1.3. Ֆիզիկա և աստղագիտություն
- 1.4. Քիմիա
- 1.5. Երկրի մասին և դրան հարակից բնապահպանական գիտություններ
- 1.6. Կենսաբանական գիտություններ

2. ՃԱՐՏԱՐԱԳԻՏՈՒԹՅՈՒՆ ԵՎ ՏԵԽՆՈԼՈԳԻԱ

- 2.1. Քաղաքաշինություն և ճարտարապետություն
- 2.2. Էլեկտրատեխնիկա, էլեկտրոնիկա, էներգետիկա, համակարգչային և տեղեկատվական տեխնոլոգիաներ
- 2.3. Մեխանիկա
- 2.4. Մեքենագիտություն և մեքենաշինություն
- 2.5. Քիմիական տեխնոլոգիաներ
- 2.6. Նյութագիտություն
- 2.7. Բժշկական սարքաշինություն
- 2.8. Էկոլոգիա
- 2.9. Կենսատեխնոլոգիա
- 2.10. Նանոտեխնոլոգիա

3. ԲԺՇԿԱԿԱՆ ԳԻՏՈՒԹՅՈՒՆՆԵՐ

- 3.1. Ընդհանուր բժշկություն
- 3.2. Կլինիկական բժշկություն
- 3.3. Բժշկական կենսատեխնոլոգիա

4. ԳՅՈՒՂԱՏՆՏԵՍԱԿԱՆ ԳԻՏՈՒԹՅՈՒՆՆԵՐ

- 4.1. Անասնաբուծություն, անասնաբուժություն
- 4.2. Բուսաբուծություն
- 4.3. Հողագիտություն, ագրոքիմիա, բույսերի պաշտպանություն
- 4.4. Գյուղատնտեսական կենսատեխնոլոգիա

5. ՀԱՄԱՐԱԿԱԿԱՆ ԳԻՏՈՒԹՅՈՒՆՆԵՐ

- 5.1. Հոգեբանություն
- 5.2. Տնտեսագիտություն և գործարարություն
- 5.3. Մանկավարժական գիտություններ
- 5.4. Սոցիոլոգիա
- 5.5. Իրավունք
- 5.6. Քաղաքական գիտություններ
- 5.7. Սոցիալական և տնտեսական աշխարհագրություն
- 5.8. Զանգվածային լրատվություն և հաղորդակցություն

**6. ՀԱՅԱԳԻՏՈՒԹՅՈՒՆ ԵՎ ՀՈՒՄԱՆԻՏԱՐ
ԳԻՏՈՒԹՅՈՒՆՆԵՐ**

- 6.1. Պատմություն, հնագիտություն
- 6.2. Լեզվագիտություն, գրականագիտություն
- 6.3. Փիլիսոփայություն, էթիկա
- 6.4. Աստվածաբանություն, կրոնագիտություն
- 6.5. Արվեստագիտություն

ՆԱԽԱԳԻԾ

Ներկայացնել անգլերեն, մինչև 12 էջ՝ ներառյալ գրաֆիկները, գծագրերը, լուսանկարները և գրականության ցանկը.

1. Համառոտ բնութագիրը (անոտացիա)

2. Հետազոտական խնդրի վերաբերյալ գիտելիքների ներկա վիճակի մասին վերլուծությունը

3. Նախագծի նպատակները և խնդիրները

4. Հետազոտական նախագիծը

5. Նախագծի իրականացման գիտական մեթոդները

6. Օրացուցային պլանը (ըստ կիսամյակների, Գանտի աղյուսակ)

7. Խմբի ձեռքբերումները տվյալ ոլորտում

**8. Գիտական ստորաբաժանման զարգացման հեռանկարները (ռիսկերը և
հնարավորությունները)**

**9. Միջազգային համագործակցության նախադրյալները, ինչպես նաև
օտարերկրյա գործընկերոջ համապատասխանությունը և
նպատակահարմարությունը**

**10. Ակնկալվող արդյունքների քանակական և որակական ցուցանիշները (գիտական
հոդվածներ, գիտաժողովների նյութեր և այլն), նորարարական կարողության օգտագործում
(տեխնոլոգիական ներդրում, ցուցադրում, փորձնական նմուշ, նախատիպ և այլն), մտավոր
սեփականության տնօրինում (արտոնագիր, հեղինակային իրավունք և այլն), միջազգային
համագործակցային կապերի ամրապնդում, համագործակցության հեռանկարներ)**

11. Օգտագործված գրականության ցանկը

ԲԱՐՁՐԱԳՈՒՅՆ ԿՐԹՈՒԹՅԱՆ ԵՎ ԳԻՏՈՒԹՅԱՆ
ԿՈՄԻՏԵԻ ԳԼԽԱՎՈՐ ՔԱՐՏՈՒՂԱՐ
ՊԱՐՈՆ ԼԵՎՈՆ ՖԱՐՄԱՆՅԱՆԻՆ

ՔԱՂԱՔԱՅԻ

(անուն հայրանուն)

ից

(ազգանուն)

(հասցե)

(հեռախոս)

ԴԻՄՈՒՄ

Խնդրում եմ ընդունել «Հայաստանի Հանրապետության գիտական համայնքին
արտերկրի գիտնականների ինտեգրում 2024/2» մրցույթին մասնակցության
«_____» վերնագրով հայտը:

Դիմող՝ _____
(ստորագրություն)

(_____)
(անուն, ազգանուն)

«___» _____ 2024 թ.

Նախագծի վերնագիրը

Ընդարձակ ամփոփագիրը

Ընդարձակ ամփոփագիրը գնահատվում է գիտական փորձաքննության առաջին փուլում, հարկավոր է ներկայացնել անգլերեն, մինչև 2 էջ:

Ընդարձակ ամփոփագիրը պետք է լինի **Նախագծի** հակիրճ տարբերակը և շեշտադրի հետազոտության կարևորությունն ու նպատակահարմարությունը: